

中學國文示範

中國圖書公司編輯印行

中學國文示範

民國十一年購於同濟

憲立法

中國圖書公司編輯印行

宣統元年閏二月出版



編輯者

東臺繆文功
東臺蔡國璜

印刷者

上海小南門外陸家浜
中國圖書公司

發行者

中國圖書公司

總發行者

上海北市棋盤街九十九號
電話二千九百九十九號
中國圖書公司

分發行者

北京琉璃廠一號福內
漢口黃陂街
中國圖書公司

中學國文示範一冊
定價銀四角

中學國文示範編輯大意

無本國文字。是無國也。今之論者。或然或不然。夫又安足怪哉。試絮與今日所肄物質的學科較。孰難孰易。人情趨易而舍難。矧在勝衣就傅之儔哉。吾謂此非學者之咎。教者之咎也。是在審其從入之途耳。

憂時者悼文體之日以卑下。苦不獲救之之策。其摭拾斷爛陳言。及彼族遺唾者。豈性使然哉。曾得操一術以鼓其興趣。而潛代之。夫固易易耳。

或叩予曰。是編間採經史。其奧衍恆苦教者以所難。予謂小學宜淺。歷初高兩等以幾於中學。度日以進矣。教者不能知。夫又安用此教者。爲矧取材皆經見之本。固可覆按也。採集之文。有第錄一節或數句者。斷脛之誚。殆不能免。古人文。如左氏傳。合全部爲一篇文字。但錄每年之事。其來踪去影。均不備。亦節錄也。茲編猶此意耳。評語圈識。期助讀者之眉眼。謬誤者。乞高明訂正焉。

中學國文示範目次

第一章	紀人之文
第二章	紀時之文
第三章	紀地之文
第四章	紀物之文
第五章	紀言之文
第六章	述德之文
第七章	說理之文
第八章	抒情之文
第九章	紀藝之文
第十章	遊戲之文

中學國文示範

人有恆言曰。文無定法。惟求其是。此漫漶無涯涘之言也。譬之於工。攻木必施繩墨。冶金必受模範。譬之於藝。製聲必合節奏。故學歌者習音階。繪畫必有臨本。其上者舍臨本而用模型。或生物。蓋未有無範本而聽人自爲。憑空幻而能有成者也。學文亦然。規矩準繩。教者之所能施。受者之所能得。神而明之。精益求精。則全在學者自求。非教者所可強也。教者之能事。示善範而已。孟子曰。梓匠輪輿。能與人規矩。不能與人巧。規矩。示範也。茲約別爲紀人之文。紀時之文。紀地之文。紀物之文。紀言之文。述德之文。說理之文。抒情之文。紀藝之文。遊戲之文。

第一章 紀人

學文非難事也。智者能爲。愚者亦必能爲。初學之時。先就淺近易明者爲之。無不得也。日與接近而近在己身者。曰人。故首之以紀人之文。

周有八士。

此語總提以下分敘

伯達。伯适。仲突。仲忽。叔夜。叔夏。季隨。季騮。

此紀人文字之最簡者

右文但紀其人。

而未紀其人之所爲。若稍進於此。則紀人而兼及其所爲。如左。

德行。顏淵。閔子騫。冉伯牛。仲弓。言語。宰我。子貢。政事。冉有。季路。文學。子游。子夏。此紀人而兼及其所爲○論語

仿魯論德行文。益以首尾。且人數較多。則有如漢書公孫宏傳贊之文。如左。

漢之得人於茲。帝指武帝爲盛。二句分敘提儒雅則公孫宏。董仲舒。兒寬。篤行則石建。石慶。質直則汲

黯。下式推賢則韓安國。鄭當時。定令則趙禹。張湯。文章則司馬遷。相如。即司馬相如略去司馬字

滑稽則東方朔。枚皋。應對則嚴助。朱買臣。祿數則唐都。洛下閎。協律則李延年。運籌則桑弘羊。

奉使則張騫。蘇武。將率。師門則衛青。霍去病。受遺則霍光。金日磾。其餘不可勝紀。此紀人文之有首尾者

右文但紀人名耳。若史家列傳。有於人名上冠以爵位下承以里居者。如史記內「蕭相國何

者沛豐人也」「平陽侯曹參者沛人也」之類。有於人名下承以里居與字者。如史記內「顏

回者魯人也字子淵」「仲山字子路卞人也」之類。此外更有先紀里居後紀人名即承以字

者。例如左。

自魯紀里居。商瞿紀姓名。子木紀字。受易孔子。以授魯橋庇子庸。子庸授江東馯臂子弓。子弓授

燕周醜子家。子家授東武孫虞子乘。子乘授齊田何子裝。此一語中兼紀里居姓氏及字者○前漢書儒林傳敘

商商計瞿爲算。著五行論。稱四至九卿號。本無四科特假以爲名其門人沛唐林子高爲德行。平

陵吳章偉君爲言語重泉王吉少音爲政事齊炔欽幼卿爲文學文例同前最簡當○前漢書儒林傳

紀人之法不一且有因一人而兼及其師友弟子或先世與子孫者試分舉於左

(一)因一人而敍及師友者

孔子之所嚴事於猶在周則老子於衛蘧伯玉於齊晏平仲於楚老萊子於鄭子產於魯孟公

綽此紀孔子師友之文○史記仲尼弟子列傳敍

(二)因一人而敍及弟子者

申公病免歸數年卒弟子爲博士十餘人孔安國至臨淮太守周霸膠西內史夏寬城陽內史

碭魯賜東海太守蘭陵繆生長沙內史徐偃膠西中尉鄒人闕門慶忌膠東內史其治官民皆

有廉潔稱數以下別於上其學官弟子行雖不備而至於大夫郎掌故以百數此紀及弟子之文○史記文

申公傳

(三)因一人而敍其先世並昆仲者

伍子胥者楚人也名員員父曰伍奢員兄曰伍尚其先曰伍舉以直諫事楚莊王有顯猶云有

簡勳如此故其後有名於楚此敍及先世並昆仲文○史記並

按史家敘述人之先世甚多。而自敘者尤詳。試舉於左。

史記太史公自序

昔在顓頊。命南正重以司天。北政黎以司地。唐虞之際。紹重黎之後。使復典之。至於夏商。故重黎氏世序天地。其在周。程伯休甫其後也。當周宣王時。失其守而爲司馬氏。司馬氏世典周史。惠襄之間。司馬氏去周適晉。晉中軍隨會奔秦。而司馬氏入少梁。「以」紀自司馬去周適晉。分散或在衛。或在趙。或在秦。其在衛者。相中山。在趙者。以傳劍論顯。蒯聵其後也。在秦者。名錯。與張儀爭論。於是惠王使錯將伐蜀。遂拔。因而守之。錯孫靳。事武安君白起。而少梁更名曰夏陽。靳與武安君阬趙長平軍還。而與之俱賜死杜郵。葬於華池。靳孫昌。昌爲秦鐵官。當始皇之時。蒯聵玄孫邛爲武信君將。而徇朝歌。諸侯之相王。交互稱王也王邛於殷。漢之伐楚。邛歸漢。以其地爲河內郡。昌生無澤。無澤爲漢市官。無澤生喜。喜爲五大夫。卒皆葬高門。喜生談。談爲太史公。以上敘中世及近世中太史公學天官於唐都。受易於楊何。習道論於黃子。太史公仕於建元。元封之間。愍學者之不達其意而師悖。乃論六家之要旨。（中略）太史公既掌天官。不治民。有子曰遷。敘自遷遷生龍門。耕牧河山之陽。年十歲。則誦古文。二十而南游江淮。上會稽。探禹穴。闢九疑。浮於沅湘。

北。陟。汶。泗。講。業。齊。魯。之。都。觀。孔。子。之。遺。風。鄉。射。鄒。驛。扈。困。鄆。薛。彭。城。過。梁。楚。以。歸。（下略）
世之文之
此自敘先

前漢書班固敘傳

班氏之先與楚同姓。令尹子文之後也。子文初生。棄於薈中。而虎乳之。楚人謂乳穀。謂虎於櫟。故名穀於櫟。得奇名字子文。楚人謂虎班。其子以爲號。秦之滅楚。遷晉代之間。因氏焉。得奇姓始皇之末。班壹避匿。古地於樓煩。致馬牛羊數千羣。值漢初定。與民無禁。當孝惠高后時。以財雄邊。出入弋獵。旌旗鼓吹。以財雄邊。情形如繪。年百餘歲。以壽終。故北方多以壹爲字者。壹生孺。孺爲任俠州郡歌之。孺生長。官至上谷守。長生回。以茂材爲長子令。回生況。舉孝廉爲郎。積功勞至上河農都尉。大司農奏課。連最入。爲左曹越騎校尉。成帝之初。女爲婕妤。致仕就第。賞累千金。徙昌陵。昌陵後罷。大臣名家皆占數於長安。況生三子。伯旌。穉。伯少受詩於師丹。大將軍王鳳薦伯宜勸學。召見晏昵殿。容貌甚麗。誦說有法。拜爲中常侍。時上方鄉學。鄭寬中。張禹。朝夕入說尚書論語於金華殿中。詔伯受焉。旣通大義。又講異同於許商。遷奉車都尉。數年金華之業絕。出與王許子弟爲羣。在於綺繡紈絺之間。非其好也。富貴而能自拔。家本北邊。志節慷慨。數求使匈奴。河平

中。單于來朝。上使伯持節迎於塞下。會定襄大姓石季羣輩報怨殺追捕吏伯上狀。因自請顯試守期月。上遣侍中郎將王舜馳傳代伯護單于。并奉璽書印綬。即拜伯爲定襄太守。定襄聞伯素貴。年少。自請治劇。畏其下車作威。吏民竦息。伯至。請問耆老父祖故人有舊恩者。迎延滿堂。日爲供具。執子孫禮。郡中益弛。諸所賓禮皆名豪。懷恩醉酒。共諫伯宜攝錄盜賊。具言本謀亡匿處。伯曰。是所望於父師矣。迺召屬縣長吏。選精進椽史。分部收捕。及它隱伏。旬日盡得。郡中震栗。咸稱神明。歲餘。上徵伯。伯上書願過故郡。上父祖冢。有詔太府都尉以下會。因召宗族。各以親疏加恩施。散數百金。北州以爲榮。長老紀焉。(中略)旂博學有俊才。左將軍史丹舉賢良方正。以對策爲議郎。遷諫大夫。右曹中郎將。與劉向校祕書。每奏事。旂以選受詔進讀羣書。上器其能。賜以祕書之副。時書不布。自東平思王以叔父求太史公諸子書。大將軍白不許。語在東平王傳。旂亦早卒。有子曰嗣。顯名當時。穉少爲黃門郎中常侍。方直自守。(中略)穉生彪。彪字叔皮。幼與從兄嗣共遊學。家有賜書。內足於財。好古之士自遠方至。極形父黨楊子雲以下莫不造門。(中略)叔皮唯聖人之道。然後盡心焉。(中略)有子曰固。自弱冠而孤。(中略)

永平中爲郎典校祕書。專篤志於博學。以著述爲業。(下略)

此亦班固自敘先世之文甚詳

(四)因一人而敘其先世及子孫者

楊震字伯起弘農華陰人也。八世祖喜。高祖時有功。封赤泉侯。高祖儆。昭帝時爲丞相。封安平侯。父寶。習歐陽尙書。哀平之世。隱居教授。居攝二年。與兩龔蔣翊俱徵。遂遁逃。不知所處。光武高其節。建武中。公車特徵。老病不到。卒於家。(中略)以上紀震五子。以下紀長子牧。富波相。牧孫奇。靈帝時爲侍中。帝嘗從容問奇曰。朕何如桓帝。對曰。陛下之於桓帝。猶虞舜比德唐堯。帝不悅曰。卿強項。眞楊震子孫。死後必復致大鳥矣。出爲汝南太守。帝崩後。復入爲侍中。衛尉。從獻帝西遷。有功勤。(中略)震少子奉。奉子敷。篤志博聞。議者以爲能世其家。敷早卒。子衆。亦傳先業。(中略)震中子秉。秉字叔節。少傳父業。兼明京氏易。博通書傳。常隱居教授。(中略)秉性不飲酒。又早喪夫人。遂不復娶。所在以清白稱。嘗從容言曰。我有三不惑。酒。色。財也。八年薨。時年七十四。賜塋陪陵。子賜。字伯獻。少傳家學。篤志博聞。常退居隱約。教授門徒。不答州郡禮命。(中略)薨。子彪嗣。彪字文先。少傳家學。(中略)年八十四。黃初六年卒於家。自震至彪四世。太尉德業相繼。與袁氏俱爲東京名族。云。宋總結震子孫之通顯。○此敘先世并子孫之文。○後漢書楊震傳。仿漢書公孫宏傳贊例。特紀一時名彥。則有無錫薛叔耘。敘曾文正公。幕僚文亦鉅製也。錄於

左。

昔曾文正公。

主提出人

奮艱屯之會躬文武之略陶鑄羣英大冀區宇振頽起衰豪彥從風遺澤餘

韻流衍數世非獨其規恢之宏闊也蓋其致力延攬廣包兼容持之有恆而御之有本以是知

人之鑒爲世所宗而幕府賓僚題下尤極一時之盛云竊計公續錄以下督師開府前後二十年凡從

公治軍書涉危難遇事贊畫者閔偉則太子大傅太學士肅毅伯合肥李公禮部侍郎出使英

吉利總理各國事務大臣長沙郭公嵩燾筠仙兵部侍郎巡撫陝西長沙劉公蓉霞軒雲南按

察使平江李元度次青明練則四品卿銜內閣侍讀長沙郭崑燾意城候補道長沙何應祺鏡

海武岡鄧輔綸彌之欸程桓生尙齋主事甘晉子大直隸清河道溧陽陳鼎作梅河南河北道

奉新許振璋仙屏四品卿銜吏部員外郎嘉興錢應溥子密候補道長洲蔣嘉械蒨卿定遠凌

煥曉嵐淵雅則知和州直隸州長沙方翊元子白江蘇按察使中江李鴻裔眉生四品卿銜刑

部主事欸柯鉞筱泉候補道夥程鴻詔伯勇候選知府陽湖方駿謨元徵江蘇知縣淑浦向師

棟伯常出使日本記名道遵義黎庶昌蕓齋知冀州直隸州桐城吳汝綸擊甫右二十二人李

公功最高公之志業李公實繼之郭公劉公與公交最深所議皆天下大計凡以他事從公選

近入幕。或驟致大用。或甫入旋出。散四方者。雄略則太子太保大學士恪靖侯長沙左公。兵部尙書衡陽彭公玉麟。雪琴。前布倫托海辦事大臣。漢軍李雲麟。雨蒼。權福建布政使。護巡撫事。益陽周開錫。壽珊。候補直隸州贈太常寺卿雲騎尉長沙羅萱伯宜。安徽布政使。權巡撫事。新建吳坤修。竹莊。甘肅甘涼道。合肥李鶴章。季筌。碩德。則兵部尙書總督兩江開縣李公宗義。兩亭。兵部尙書總督湖廣合肥李公瀚。章筱泉。前兵部侍郎總督東河河道南昌梅啟照。筱巖。前兵部侍郎巡撫安徽。衡陽唐訓方。義渠。都察院左副都御史吳川。陳蘭彬。荔秋。兵部侍郎巡撫山東。桂陽陳士杰。俊臣。光祿寺少卿江夏王家璧。孝鳳。清才。則太僕寺卿瑞安。孫衣言。琴西。監察御史烏程周學濬。縵雲。前知建昌府江陰何棫。廉舫。候補直隸州湖口高心夔。碧涓。萬辨。則候選道陽湖周騰虎。韜甫。前湖南布政使劍州李榕。申甫。兵部侍郎巡撫廣東。望江倪文蔚。豹岑。前山西翼甯道東湖王定安。鼎丞。右二十二人。左公彭公功最高。李雲麟聞公下士。徒步數千里。從公。皆才氣邁衆。練習兵事。而受知於公。最先。凡以宿學客戎幕。從容諷議。往來不常。或招致書局。並不責以公事者。古文則瀏陽縣學教諭巴陵吳敏樹。南屏。前翰林院編修南豐吳嘉賓。子序。候選內閣中書武昌張裕釗。廉卿。閔覽。則前翰林院編修德清俞樾。蔭甫。芷江縣。

學訓導長沙羅汝懷研生。諸生新城陳學受藝叔。知永甯縣當塗夏燮謙甫。江蘇知縣獨山莫友芝子偲。舉人衡陽王開運紉秋。秀水楊象濟利叔。刑部郎中長沙曹耀相鏡初。出使俄羅斯參贊道員武進劉翰清開生。知易州直隸州陽湖趙烈文惠甫。樸學則海甯州訓導嘉興錢泰吉警石。知棗強縣桐城方宗誠存之。候補郎中海甯李善蘭壬叔。舉人江甯汪士鐸梅村。候選道石埭陳艾虎臣。諸生南匯張文虎嘯山。德清戴望子高。儀徵劉毓松北山。其子壽曾恭甫。海甯唐仁壽端甫。寶應成蓉鏡芙卿。候選知府金匱華蘅芳若汀。候選縣丞無錫徐壽雪村。右二十六人。莫友芝、俞樾、王開運、李善蘭、方宗誠、張文虎、戴望、皆才高學博。著述斐然。可觀。凡刑名、錢穀、鹽法、河工及中外通商諸大端。或以專家成名。下逮一藝一能。各效所長者。幹濟則蘇松太兵備道南海馮煥竹儒。徐州兵備道欽程國熙敬之。候選主事海甯陳方坦小浦。候選教諭宜興任伊棣香。候選知縣孫文川澄之。勤樸則前兩淮鹽運使涇洪汝奎琴西。候選直隸州漢陽劉世墀彤階。候補道瀏陽李興銳勉林。候補知府衡陽王香倬子雲。敏瞻則監察御史武昌何源鏡芝。江西知縣忠州李士葵芋仙。候補同知宣城屠楷晉卿。候補知府富順蕭世本廉甫。右十有三人。皆能襄理庶務。剴繁應瑣。雖其用之巨細不同。亦各有所挾。以表見於世。凡結福

成所嘗與共事。及溯所聞而未相覲。或一再晤語而未共事者。都八十三人。其碌碌無所稱者。不盡錄。古者州郡以上得自辟從事。參軍記室之屬。故英儁之興。半由幕職。唐汾陽王郭子儀。精選幕僚。當時將相多出其門。降及晚近。舍實用而崇科第。復爲壹切條例。以束縛賢豪。而登進之塗隘矣。惟公遭值世變。一以賢才爲夷。難定傾之具。其取之也。如大匠之門。自文梓梗桮。以至竹頭木屑之屬。無不儲其成之也。始之以規矩繩墨。繼之以斧斤錐鑿。終之以磋磨文飾。其用之也。則楹棟榱桷。闌居楔位。置悉中度。程人人各如其意。去斯所以能迴乾軸而變風氣也。昔公嘗以兵事餉事吏事文事四端。訓勉僚屬。實已囊括世務。無所不該。幕僚雖專司文事。然獨克攬其全。譬之導水。幕府則衆流之匯也。譬之力穡。幕府則播種之區也。故其得才尤盛。卽偶居幕府。出而膺兵事餉事吏事之責者。罔不起爲時棟。聲績隆然。夫人必有駕乎天下之才之識之量。然後能用天下才。任天下事。福成居公幕僅八年。於未及同遊者。知之不詳。然於公知人之明。與育才之心。粗有所睹矣。謹詮次公賓僚姓名。并敘其爵里著於篇。而於所未知者。則姑闕焉。

此紀人之大文而字次分明不能增減其字句

第二章 紀時

凡紀時之文。多依景物事理而成。其專紀時日者。非記載即考據耳。

紀時之記載文。如爾雅之春爲青陽。夏爲朱明。秋爲白藏。冬爲玄英。又如正月爲陬。二月爲如。

三月爲病。四月爲余。五月爲皋。六月爲且。七月爲相。八月爲壯。九月爲玄。十月爲陽。十一月爲

辜。十二月爲涂。取足依次順敘而止。至於考據。則忌含混而利明晰。試錄萬氏分至辨於左。

造秣者。必求端於分至。分至者。四時之中。秣之所由以爲準也。愚以爲周秦以前。至不繫冬夏。

分不繫春秋。揭明稽之經傳。易曰。至日閉關。郊特牲曰。周之始郊。日以至。左傳曰。土功日至而

畢。孟子曰。千歲之日至。此皆泛言短至而不繫之以冬也。左傳僖五年。春王正月辛亥朔日南

至。昭二十年。春王二月己丑日南至。此實指周正短至而不繫之以時也。月令仲夏之月。云日

長至。仲冬之月。云日短至。此從夏正言。二至而不繫以冬夏也。雜記曰。正月至。可以有事於

上帝。七月日至。可以有事於祖。此以周正言。二至而亦不繫以時也。此上辨至至於二分在夏

正。則當春秋。在周正。則當冬夏。謂之分者。以日夜至此而均。長短自此而分也。又以其卯酉月

日行至此而適中。故亦曰日中。左傳曰。馬日中而出。日中而入。周正也。月令仲春之月。云日夜

分。仲秋之月。云日夜分。夏正也。此上辨分觀此。結則無論夏正周正。皆無繫之以時者。然則繫